

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK
o odbacivanju Prijave koncentracije
privrednih subjekata Türk Hava Yolları Anonim Ortaklığı, Genel Yönetim Binası,
Yeşilköy Mah. Havaalanı Cad. No:3/1 34149 Bakırköy, İstanbul, Republika Turska i
Globalia Corporación Empresarial, S.A., Polígono Son Noguera, Carretera El Arenal a
Llucmajor, Km 21.5, 07620, Mallorca, Reino de España

Sarajevo
Juni, 2026. godine



Broj: UP-04-26-1-041- 18/26
Sarajevo, 12.06.2026. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa članom 14. Zakona o konkurenciji („Službeni glasnik Bosne i Hercegovine”, broj 48/05, 76/07 i 80/09), rješavajući po Prijavi koncentracije privrednih subjekata Türk Hava Yolları Anonim Ortaklığı, Genel Yönetim Binasi, Yeşilköy Mah. Havaalani Cad. No: 3/1 34149 Bakirköy, Istanbul, Republika Turska i Globalia Corporacion Emperesarial, S.A., Poligon Son Noguera, Carretera El Arenal a Lluçamajor, Km 21.5, 07620, Mallorca, Kraljevina Španija, zaprimljenoj dana 20.11.2025. godine pod brojem: UP-04-26-1-041-1/26, na 45. (četrdesetpetoj) sjednici održanoj dana 12.06.2026. godine, donijelo je

Z A K L J U Č A K

1. Odbacuje se Prijava koncentracije privrednih subjekata Türk Hava Yolları Anonim Ortaklığı i Globalia Corporacion Emperesarial, S.A., Poligon Son Noguera, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Obavezuju se privredni subjekti Türk Hava Yolları Anonim Ortaklığı i Globalia Corporacion Emperesarial, S.A., Poligon Son Noguera da uplate administrativnu taksu u ukupnom iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
3. Ovaj Zaključak bit će objavljen u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je, dana 20.11.2025. godine pod brojem: UP-04-26-1-041-1/25, zaprimilo Prijavu koncentracije (u daljem tekstu: Prijava) privrednog subjekata Türk Hava Yolları Anonim Ortaklığı, Genel Yönetim Binasi, Yeşilköy Mah. Havaalani Cad. No:3/1 34149 Bakirköy, Istanbul, Republika Turska i Globalia Corporacion Emperesarial, S.A., Poligon Son Noguera, Carretera El Arenal a Lluçamajor, Km 21.5, 07620, Mallorca, Kraljevina Španija, u kojoj se navodi da se transakcija odnosi na sticanje kontrolnog udjela od 26,(..)*¹% od strane privrednog subjekta Türk Hava Yolları Anonim Ortaklığı (u daljem tekstu: THY) u privrednom subjektu Air Europa Holding S.L, Carretera El Arenal Lluçamajor km 21.5 (Poligono Son Noguera), 07620, Mallorca, Kraljevina Španijai (u daljem

¹ (..)* - Podatak predstavlja poslovnu tajnu

tekstu: Ciljno društvo ili AEH), u smislu člana 12. stav (1) tačka b) Zakona o konkurenciji („Službeni glasnik BiH“, br. 48/05, 76/07 i 80/09) - (u daljem tekstu: Zakon).

Pravni osnov namjeravane koncentracije je Ugovoru o ulaganju u grupu Air Europa, zaključen dana 05.11.2025. godine između privrednih subjekata Globalia Corporacion Empresarial, S.A., Turk Hava Yollari A.O., Air Europa Holding S.L., Globalia Activos Inmobiliarios, A.A.U. i Inversiones Bavaros, S.A.S.

Prijava namjere koncentracije je podnesena u zakonom propisanom roku, u smislu člana 16. stav (1) Zakona.

Uvidom u Prijavu, utvrđeno je da ista ne sadrži sve potrebne dokumente i informacije, te su punomoćniku Podnosioca prijave upućeni zahtjevi kojim se traži dopuna, i to aktima: br. UP-04-26-1-041-3/25 od dana 19.01.2026. godine, UP-04-26-1-041-8/25 od dana 03.03.2026. godine, UP-04-26-1-041-11/25 od dana 13.04.2026. godine i UP-04-26-1-041-14/25 od dana 15.05.2026. godine.

Podnosioci prijave su dopunu Prijave izvršili dana 20.01.2026. godine (podnesak zaprimljen pod brojem: UP-04-26-1-041-4/25), dana 23.01.2026. godine (podnesak zaprimljen pod brojem: UP-04-26-1-041-5/25), dana 11.02.2026. godine (podnesak zaprimljen pod brojem: UP-04-26-1-041-7/25), dana 03.04.2026. godine (podnesak zaprimljen pod brojem: UP-04-26-1-041-10/25), dana 22.04.2026. godine (podnesak zaprimljen pod brojem: UP-04-26-1-041-12/25), dana 14.05.2026. godine (podnesak zaprimljen pod brojem: UP-04-26-1-041-13/25) i dana 21.05.2026. godine (podnesak zaprimljen pod brojem: UP-04-26-1-041-15/25).

Konkurencijsko vijeće je dana 11.06.2026. godine aktom broj: UP-04-26-1-041-16/25 Podnosiocu prijave izdalo Potvrdu o prijemu kompletne i uredne prijave, u skladu sa članom 30. stav (3) Zakona o konkurenciji.

Pravni osnov namjeravane koncentracije je Ugovor o ulaganju u grupu Air Europa, zaključen dana 05.11.2025. godine između privrednih subjekata Globalia Corporacion Empresarial, S.A., Turk Hava Yollari A.O., Air Europa Holding S.L., Globalia Activos Inmobiliarios, A.A.U. i Inversiones Bavaros, S.A.S.

Podnosioci prijave su naveli, u smislu člana 30. stav (2) Zakona, da se ista podnosi relevantnim tijelima u Evropskoj uniji, Zapadnoj Africi (ECOWAS), Kuvajtu, Srbiji, Tunisu, Vijetnamu, Crnoj Gori, Sjevernoj Makedoniji, Ukrajini, Argentini, Paragvaju, Kosovu, Australiji, Brazilu, Ekvadoru, Hondurasu, Saudijskoj Arabiji, Ujedinjenim Arapskim Emiratom i Maroku.

Konkurencijsko vijeće je na osnovu podataka iz dostavljene dokumentacije uz Prijavu, izvršilo analizu i utvrdilo sljedeće:

1. Učesnici koncentracije

Učesnici predmetne transakcije su privredni subjekti Türk Hava Yollan Anonim Ortaklığı, Genel Yönetim Binasi, Yeşilköy Mah. Havaalanı Cad. No:3/1 34149 Bakırköy, Istanbul, Republika

Turska (THY) i Globalia Corporacion Emperesarial, S.A., Poligon Son Noguera, Carretera El Arenal a Lluçmajor, Km 21.5, 07620, Mallorca, Kraljevina Španija, kao sticaoci u prijavljenoj koncentraciji.

Ciljno društvo predmetne transakcije je privredni subjekt Air Europa Holding S.L, Carretera El Arenal Lluçmajor km 21.5 (Poligono Son Noguera), 07620, Mallorca, Kraljevina Španija (u daljem tekstu: Ciljno društvo ili AEH).

1.1. Privredni subjekt Türk Hava Yolları Anonim Ortaklığı, Genel Yönetim Binası, Yeşilköy Mah. Havaalanı Cad. No:3/1 34149 Bakırköy, İstanbul, Republika Turska

Privredni subjekt Türk Hava Yolları Anonim Ortaklığı, Genel Yönetim Binası, Yeşilköy Mah. Havaalanı Cad. No:3/1 34149 Bakırköy, İstanbul, Republika Turska (skraćeni naziv: THY), registrovan je pod matičnim brojem: 75184-0 u Privrednoj komori Istanbula sa datumom registracije 11.02.1960. godine i registrovanom grupom djelatnosti: prevoz putnika i turističke agencije.

Privredni subjekt Türk Hava Yolları Anonim Ortaklığı je javno listirano dioničko društvo U Republici Turskoj, koje posluje kao nacionalni avio – prijevoznik. Od svog osnivanja 1933. godine, privredni subjekt THY je postao jedan od vodećih svjetskih avio prijevoznika, koji obavlja redovan prijevoz putnika u više od 130 država iz svog centra u Istanbulu, kao jednom od najvećih svjetskih zrakoplovnih centara. Sa flotom od preko 500 uskotrupnih i širokotrupnih zrakoplova, Turskih Airlines grupa nudi usluge putničkog i teretnog prijevoza na više od 350 destinacija širom svijeta i na globalnom nivou obavlja aktivnosti avio prijevoza tereta pod robnom markom Turkish Cargo, širom razgranate logističke mreže.

Preko svojih zavisnih društava, THY posluje kao potpuno integrisana zrakoplovna grupa koja obuhvata putnički prijevoz, logistiku za prijevoz tereta, tehničke usluge, zemaljske usluge, catering usluge, tehnologiju i platne sisteme.

THY je pod kontrolom Turskog fonda bogatstva (u daljem tekstu: TWF), kao najvećeg pojedinačnog dioničara A klase dionica (sa 49,12% vlasništva i procenta prava glasa), koji je nadalje u isključivom vlasništvu Vlade Republike Turske, Uprave za privatizaciju Republike Turske kao dioničara klase C dionica (sa <0,01% vlasništva i procenta prava glasa), te u slobodnom optičaju na Istanbulskoj berzi u odnosu na klasu A dionica (preostalih 50,88% vlasništva i prava glasa).

THY je članica Star Alliancea, udruženja zrakoplovnih tvrtki osnovano 14. maja 1997. Star Alliance je najveće zrakoplovno udruženje na svijetu, čije je sjedište u Frankfurtu na Majni.

THY ima sljedeća povezana društva i zajednička ulaganja:

(..)

Privredni subjekt Türk Hava Yolları Anonim Ortaklığı (THY) i Turkish Airlines se odnose na isto pravno lice, te je THY matično društvo Turkish Airlines.

Turkish Airlines je engleski naziv, odnosno robna marka pod kojim posluje grupa društva kojom upravlja društvo Türk Hava Yolları Anonim Ortaklığı (uz izuzetak pojedinih zavisnih društava koja posluju pod sopstvenim robnim markama kao što su Ajete i SunExpress).

1.1.1. Turkish Airlines u Bosni i Hercegovini

Turkish Airlines u Bosni i Hercegovini ima predstavništvo u Bosni i Hercegovini, sa sjedištem na adresi Trg djece Sarajeva 1, 71000 Sarajevo. Primarne aktivnosti predstavništva obuhvataju obezbjeđivanje potpune usklađenosti sa zahtjevima lokalnih organa vlasti i mjerodavnim propisima, sprovođenje istraživanja tržišta prije prodaje, obavljanje prometa i prodaje, i pružanje sveobuhvatnih usluga u oblasti odnosa sa kupcima, uključujući postprodajnu podršku i koordinaciju.

Turkish Airlines pruža usluge avio prijevoza putnika u Bosni i Hercegovini kombinirajući globalni distributivni sistem (GDS) trećih lica i kanale direktne prodaje. Turkish Airlines nudi i usluge prijevoza tereta putem agenata kao i čarter letove putem ugovornih sporazuma sa jednim ovlaštenim čarter operaterom/turističkom agencijom.

1.2. Privredni subjekt Globalia Corporacion Emperesarial, S.A., Poligon Son Noguera, Carretera El Arenal a Lluçmajor, Km 21.5, 07620, Mallorca, Kraljevina Španija

Privredni subjekt Globalia Corporacion Emperesarial, S.A., Poligon Son Noguera, Carretera El Arenal a Lluçmajor, Km 21.5, 07620, Mallorca, Kraljevina Španija je društvo koje je registrovano dana 14.05.1997. godine u Trgovačkom registru Španije, pod matičnim brojem: PM – 26677, sa registrovanom djelatnosti društva: upravljanje i pružanje poslovnih usluga, komercijalnih strategija i planiranja u oblastima zračnog prometa za putnike i teret, pružanje trećim licima usluga povezanih sa zračnim prijevozom i održavanjem.

Privredni subjekt Globalia Corporacion Emperesarial, S.A. je pod krajnjom kontrolom društva JJH Capital & Asset Management, S.L. (..), koje je zajedno sa svojim zavisnim društvima označeno kao Globalia grupa, te ostalih dioničara koji posjeduju manje od 10% vlasničkog učešća u istom.

Privredni subjekt JJH Capital & Asset Management, S.L. ima sjedište na adresi C/ Enrique Granados 6 – Edificio A Pouzelo de Alarcón 28, Madrid, Kraljevina Španija, a jedini član društva i vlasnik ovog društva je fizičko lice, Juan José Hidalgo Acera, koji posjeduje 100% osnovnog kapitala društva.

Globalia grupa nema zavisna društva, ogranke niti predstavništva u Bosni i Hercegovini, te ne ostvaruju prihod u Bosni i Hercegovini.

1.3. Air Europa Holding S.L., Poligon Son Noguera, Carretera El Arenal a Lluçmajor, Km 21.5, 07620, Mallorca, Kraljevina Španija (Ciljno društvo)

Privredni subjekt Air Europa Holding S.L., Poligono Son Noguera, Carretera El Arenal a Lluçmajor, Km.21.5, 07620, Mallorca, Kraljevina Španija (u daljem tekstu: AEH ili Ciljno

društvo) je društvo koje je registrovano dana 13.11.2019. godine u Trgovačkom registru Španije, pod matičnim brojem: PM - 87946, sa registrovanom djelatnosti društva: posjedovanje dionica i udjela u svim vrstama društava, s ciljem upravljanja i vođenja odgovarajućeg učešća, sticanje, posjedovanje, upravljanje i otuđenje vrijednosnih papira svih vrsta.

Air Europa grupacija je španska zrakoplovna grupa koja prevashodno pruža usluge međunarodnog i domaćeg redovnog avio prijevoza putnika i tereta. Ciljna grupa takođe pruža srodne prateće i sekundarne usluge, kao što su upravljanje čarter letovima, usluge zakupa zrakoplova sa posadom i usluge održavanja linija.

Ciljno društvo je trenutno pod isključivom kontrolom društva Globalia (i posredno JJH), prilikom čega privredni subjekt Globalia posjeduje 80% osnovnog kapitala u Ciljnom društvu, dok International Consolidated Airlines Group, S.A. (u daljem tekstu: IAG), sa sjedištem na adresi EL Caserio, Iberia Zona Industrial no. 2 (La Muñoza), Camino de La Muñoza, s/n, 28042, Madrid, Kraljevina Španija, ima nekontrolirani manjinski udio od 20%.

Ciljno društvo je holding društvo Air Europa grupe i u svom isključivom vlasništvu ima sljedeća zavisna društva, koja su također predmet transakcije:

- (I) Air Europa Linéas Aéreas, S.A.U., sa sjedištem na adresi Carretera El Arenal a Lluçmajor, Km.21.5, Poligono Son Noguera, Lluçmajor 07 – Illes Balears, Kraljevina Španija, registrovana djelatnost: obavljanje redovnog i čarter avio prevoza putnika i tereta, sticanje i lizing zrakoplova;
- (II) Aeronova, S.L.U., sa sjedištem na adresi Carretera El Arenal a Lluçmajor, Km.21.5, Poligono Son Noguera, Lluçmajor 07 – Illes Balears, Kraljevina Španija, registrovana djelatnost: pružanje usluga obuke, upravljanje rutama za prevoz putnika i terete i usluge održavanja popravke i remonta;
- (III) Air Europa Suma Miles S.L.U., sa sjedištem na adresi Carretera El Arenal a Lluçmajor, Km.21.5, Poligono Son Noguera, Lluçmajor 07 – Illes Balears, Kraljevina Španija, registrovana djelatnost: upravljanje programom lojalnosti Air Europa Suma Miles;
- (IV) Leon Activos Aeronauticos, S.L.U., sa sjedištem na adresi Carretera El Arenal a Lluçmajor, Km.21.5, Poligono Son Noguera, Lluçmajor 07 – Illes Balears, Kraljevina Španija, registrovana djelatnost: kupovina, prodaja i leasing zrakoplova i aeronautičke opreme;
- (V) Globalia Activos Inmobiliarios S.A.U., sa sjedištem na adresi Carretera El Arenal a Lluçmajor, Km.21.5, Poligono Son Noguera, Lluçmajor 07 – Illes Balears, Kraljevina Španija, registrovana djelatnost: upravljanje školama za obuku letenja, kupovina, prodaja i leasing zrakoplova i industrijske opreme, poslovi u oblasti nekretnina.

Ciljno društvo nema zavisna društva, ogranke niti predstavništva u Bosni i Hercegovini, niti ostvaruje prihod u Bosni i Hercegovini.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona o konkurenciji, Odluke o načinu podnošenja prijave i kriterijima za ocjenu koncentracija privrednih subjekata i Odluke o utvrđivanju relevantnog tržišta („Službeni glasnik BiH“, broj 18/06 i 34/10).

3. Pravni osnov i oblik koncentracije

Kao pravni osnov ove koncentracije Podnosioci prijave su, u smislu člana 30. stav (1) tačka a) Zakona i člana 9. tačka f) Odluke o načinu podnošenja prijave i kriterijumima za ocjenu koncentracija privrednih subjekata, dostavili Ugovor o ulaganju u grupu Air Europa, zaključen dana 05.11.2026. godine između privrednih subjekata Globalia Corporacion Empresarial, S.A., Turk Hava Yollari A.O., Air Europa Holding S.L., Globalia Activos Inmobiliarios, A.A.U. i Inversiones Bavaros, S.A.S.

Predložena transakcija se odnosi na sticanje 26,(..)% kontrolnog udjela u Ciljnom društvu od strane privrednog subjekta THY, i posredno, u njegovim zavisnim društvima u isključivom vlasništvu: Air Europa Lineas Aereas, S.A., Air Europa Suma Miles, S.L.U., Aeronova S.L.U, Leon Activos Aeronauticos S.L.U i Globalia Activos Inmobiliarios, S.A.U.

Nakon okončanja transakcije, vlasničku strukturu Ciljnog društva bi i dalje činila Globalia grupa, sa većinskim udjelom od 53,(..)% , THY sa manjinskim vlasničkim udjelom od 26,(..)% , te IAG sa nepromijenjenim nekontrolisanim vlasničkim udjelom od 20%.

Pravni oblik predmetne koncentracije predstavlja sticanje kontrole jednog privrednog subjekta, odnosno više privrednih subjekata nad drugim, kupovinom osnovnog kapitala (kupovinom udjela), u smislu člana 12. stav (1) tačka b).

4. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Prema članu 3. stav (3) Zakona, relevantno geografsko tržište obuhvata cjelokupan ili značajan dio teritorije Bosne i Hercegovine na kojem privredni subjekti djeluju u prodaji i/ili kupovini

relevantnog proizvoda i/ili usluga pod jednakim ili dovoljno ujednačenim uslovima i koji to tržište bitno razlikuju od uslova konkurencije na susjednim relevantnim geografskim tržištima.

Podnosioci prijave smatraju da za potrebe predložene transakcije nije neophodno konačno definisati relevantno tržište proizvoda i relevantno geografsko tržište, jer bez obzira na primijenjenu definiciju tržišta, transakcija neće imati uticaj na konkurenciju u Bosni i Hercegovini. To je prevashodno zbog odsustva horizontalnih ili vertikalnih preklapanja, budući da niti Globalia niti Ciljno društvo ne posluju u Bosni i Hercegovini.

Prilikom utvrđivanja relevantnog tržišta proizvoda, Konkurencijsko vijeće je uzelo u obzir osnovnu segmentaciju tržišta avio-prijevoza putnika, odnosno kao relevantno tržište utvrđeno je tržište pružanja usluga redovnog avio-prijevoza putnika, po osnovu mjesta polaska/mjesta odredišta ("PiO") iz/za Bosnu i Hercegovinu, a kao relevantno tržište predmetne koncentracije u geografskom smislu utvrđeno je područje Bosne i Hercegovine.

Uzevši u obzir naprijed navedeno, Konkurencijsko vijeće je kao relevantno tržište predmetne koncentracije utvrdilo tržište pružanja usluga redovnog avio-prijevoza putnika, po osnovu mjesta polaska/mjesta odredišta ("PiO") iz/za Bosnu i Hercegovinu.

5. Ocjena predmetne koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

U skladu sa članom 2. stav (1) tačka a) Odluke o načinu podnošenja prijave i kriterijumima za ocjenu koncentracija privrednih subjekata, učesnici koncentracije sa sjedištem i prebivalištem u inostranstvu obavezni su prijaviti namjeravanu koncentraciju u koliko su ispunjeni uslovi iz člana 14. stav (1) tačka a) i b) Zakona.

Konkurencijsko vijeće je nakon analize podataka iz Prijave, utvrdilo da učesnici koncentracije nisu bili u obavezi podnijeti prijavu namjere koncentracije, budući da nisu ispunjeni uslovi propisani članom 14. stav (1) tač. a) i b) Zakona.

Naime, ukupni godišnji prihodi privrednih subjekata, učesnika koncentracije, izraženi u konvertibilnim markama, na dan 31.12.2024. godine su sljedeći:

Tabela br. 1

Privredni subjekt	BiH	Svijet
Prihodi KM	u milionima	u milionima
THY	(..)	(..)

Globalia grupa	(..)	(..)
AEH	(..)	(..)

Izvor: Podaci iz Prijave

Privredni subjekt THY je na relevantnom tržištu u 2024. godini učestvovao pružanjem usluga redovnog avio-prijevoza putnika na sljedećim (povratnim) linijama: Sarajevo – Izmir, Sarajevo – Antalija, Sarajevo - Milas – Bodrum, Sarajevo – Istanbul (IST), sa tržišnim udjelom većim od (..)%, te linijama Sarajevo – Istanbul (SAW) i Tuzla – Istanbul, sa tržišnim udjelima manjim od (..)%, odnosno tržišnim učešćem od (..) % na liniji Sarajevo – Istanbul (SAW) i tržišnim učešćem od (..) % na liniji Tuzla - Sarajevo, dok privredni subjekt Globalia Corporacion Empresarial nije prisutan na relevantnom tržištu, te ne ostvaruje tržišni udio na istom.

Ciljno društvo ne djeluje na teritoriji Bosne i Hercegovine, odnosno na relevantnom tržištu njegovo tržišno učešće je 0% u pogledu letova iz/za Bosnu i Hercegovinu.

Uzimajući u obzir da ne postoje horizontalna preklapanja između učesnika koncentracije na utvrđenom relevantnom tržištu jer Ciljno društvo uopšte nije prisutno u Bosni i Hercegovini, dok se tržišno učešće privrednog subjekta THY ostvareno na ovim konkretno navedenim linijama u Bosni i Hercegovini ne može smatrati relevantnim u smislu ispunjenosti uslova za obaveznu prijavu koncentracije iz člana 14. stav (1) tačka b) Zakona, s obzirom da se relevantno tržište predmetne koncentracije ne može tako usko segmentirati u odnosu na Ciljno društvo, koje na njemu nije prisutno, niti je na istom ostvarilo prihod, kao niti učesnik koncentracije, privredni subjekt Globalia Corporacion Empresarial, S.A.

U Prijavi se navodi kako je predviđeno da je manjinsko ulaganje privrednog subjekta THY u Ciljno društvo ocijenjeno kao dobra prilika za stvaranje dugoročne vrijednosti, ne dovodeći do bilo kakvog aktivnog upravljanja ili integracije upravljanja između društava, dok s druge strane mrežna struktura Ciljnog društva omogućava Turkish Airlines grupi da se preko manjinskog udjela fokusira na ulaganja u područjima u kojima THY ima relativno malo direktne povezanosti, konkretno u Latinskoj Americi.

Nadalje, navodi se da ne postoje planovi za istraživanje ili ulaganje u Bosni i Hercegovini po realizaciji predmetne transakcije, a koji se mogu vezati za poslovanje Ciljnog društva.

Konkurencijsko vijeće je iz navedenog razloga odlučilo kao u dispozitivu ovog Zaključka.

6. Administrativna taksa

Podnosilac prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, broj 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. *Pouka o pravnom lijeku*

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

Ninela Salihbašić

Dostaviti:

- Podnosilac prijave
- U spis.